



Broj: 09-20-11-2-2303 – II/22

Datum: 19.01.2023. godine

Na osnovu člana 43. i 45. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14 i 59/22) i preporuke Komisije za provođenje otvorenih postupaka nabavke u 2022. godini, zamjenik direktora Federalne uprave policije d o n o s i :

ODLUKU

o poništenju postupka javne nabavke službenih motornih vozila za LOT 5 – nabavka putničkog motornog vozila niže srednje klase minimalno 60KW

1. Poništava se postupak javne nabavke službenih motornih vozila za LOT 5 –nabavka putničkog motornog vozila niže srednje klase minimalno 60KW, obavještenje o nabavci broj: 1412-1-1-225-3-119/22 od 26.09.2022. godine, shodno članu 69. stav (3) Zakona o javnim nabavkama BiH ("Službeni glasnik BiH" broj: 39/14 i 59/22).
2. Ova odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama BiH ("Službeni glasnik BiH", broj: 39/14 i 59/22).
3. Odluka stupa na snagu danom donošenja
4. Za izvršenje Odluke zadužuje se Sektor za materijalno-finansijske poslove.

OBRAZLOŽENJE

Federalna uprava policije provela je otvoreni postupak javne nabavke službenih motornih vozila za LOT 5 – nabavka putničkog motornog vozila niže srednje klase minimalno 60KW, koji je pokrenut Odlukom o pokretanju postupka javne nabavke broj: 09-20-11-2-2303 od 21.09.2022.godine, prema Obavještenju o nabavci broj: 1412-1-1-225-3-119/22 koje je objavljeno u "Službenom glasniku BiH" broj: 66/22 od 30.09.2022.godine u kojem postupku je ugovorni organ donio Odluku o izboru najpovoljnijeg ponuđača GUMA M d.o.o. Mostar broj: 09-20-11-2-2303-II od 21.11.2022. godine, na koju odluku je ponuđač LADA AUTO d.o.o. Banja Luka izjavio Žalbu broj: 1255/22 od 30.11.2022. godine. Zaprimiteljna žalba je zajedno sa izjašnjenjem o žalbi ugovornog organa aktom broj: 09-20-11-2-2303 od 06.12.2022. godine dostavljena Uredu za razmatranje žalbi BiH.

Ured za razmatranje žalbi BiH je u vezi sa navedenim donio Rješenje broj: JN2 – 03-07-1-3408-8/22 od 29.12.2022. godine, koje je zaprimljeno u Federalnoj upravi policije dana 09.01.2023. godine, a kojim je određeno da je izjavljena Žalba ponuđača LADA AUTO d.o.o. Banja Luka broj: 1255/22 od 30.11.2022. godine utemeljena i istim Rješenjem je poništena Odluka o izboru najpovoljnijeg ponuđača u postupku javne nabavke službenih motornih vozila za LOT 5 – nabavka putničkog motornog vozila niže srednje klase minimalno 60KW broj:09-20-11-2-2303-II od 21.11.2022. godine, uz date upute da ugovorni organ u ponovnom postupku okonča postupak navedene nabavke u skladu sa Rješenjem Ureda za razmatranje žalbi BiH broj: JN2 – 03-07-1-3408-8/22 od 29.12.2022. godine.

Budući da se navedeni postupak javne nabavke odnosi na 2022. godinu odnosno na odobrena finansijska sredstva za budžetsku 2022. godinu koja se ne mogu prenijeti i koristiti u 2023.godinu, Komisija je ugovornom organu u skladu sa članom 69. stav (3) Zakona o javnim nabavkama BiH predložila poništenje postupka javne nabavke službenih motornih vozila za LOT 5 – nabavka putničkog motornog vozila niže srednje klase minimalno 60KW, jer postoje dokazani razlozi koji su izvan kontrole ugovornog organa i koji se nisu mogli predvidjeti u vrijeme pokretanja postupka nabavke, a koji se ogledaju u činjenici da Federalna uprava policije u 2023.godini nema na raspolaganju odobrena finansijska sredstva koja bi se mogla koristiti na realizaciju navedenog postupka nabavke što je konstatovala u Zapisniku o radu komisije od 06.12. 2022.godine i 19.01.2023. godine.

Razmatrajući prijedlog Komisije, zamjenik direktora je donio Odluku kao u dispozitivu.

PRAVNA POUKA:

Protiv ove Odluke može se izjaviti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

**ZAMJENIK DIREKTORA
GENERALNI INSPEKTOR POLICIJE**



Ensad Korman

Dostaviti:

- Sektor za mat. fin. Poslove
- ponuđačima
- u spis